

光緒十八年

張
司
空
集

江苏工业学院图书馆
藏书章

善化章經濟堂重刊

張茂先集題詞

張茂先集題詞

七

張壯武博物君子晉室老臣彌縫暗
主虐后之間足稱補袞竟以猶豫族
誅橫尸前殿悲哉壯武初未知名作
鷓鴣賦以寄意感其不才善全有莊
周木鴈之思旣賦相風朽社亦躊躇

於在高戒險盛衰交心及陟台司不
祥數見中台星坼少子躡勸其遜位
猶戀弗忍決漢王京兆不念牛衣遂
沉牢獄然死以直諫誠重泰山壯武
豈忘牧羊時乎名位已極篤於守經
徒爲賈氏而死適資人口耳晁氏書

目云張司空集有詩一百二十哀詞
冊文二十一賦三今余所綴輯賦數
過之文不及全詩歌八十餘中間拂
舞白紵舞杯槃舞諸篇晉代無名氏
之作藏書家本亦有繫之張司空集
者然觀其壯健頓挫類非司空溫麗

之素餘詩平雅近代詩家深貶其博
學爲累豈所謂聽古樂而臥乎壯武
文章賦最蒼深文次之詩又次之大
抵去漢不遠猶存張蔡之遺詩藪論
詩晉以下若茂先勵志廣微補亡季
倫吟歎等曲尚有前代典刑余於司

空諸文亦云

婁東張溥題

晉張茂先集目錄

賦

鷦鷯賦 有序

歸田賦

相風賦 有序

永懷賦

感婚賦 有序

朽杜賦

瓌材枕賦

豆羹賦

表

上壽食舉歌詩表

薦成公綏表

議

封禪議

晉文王謚議

廢黜武悼楊太后議

哀策

武帝哀策文

武元楊皇后策文

誄

章懷皇后誄

魏劉驃騎誄

列文先生鮑玄泰誄

箴

女史箴

大司農箴

尚書令箴

環材枕箴

銘

倚几銘

杖銘

書

與褚陶書

報雷煥書

暫西帖

問

甲乙問

序

博物志序

贊

博物志地理略贊

樂歌

晉四廟樂歌

王公上壽詩

食舉東西廂樂詩

其二

其三

其四

其五

其六

其七

其八

其九

其十

其十一

正旦大會行禮詩

其二

其三

其四

晉冬至初歲小會歌

晉宴會歌

晉中宮所歌

晉宗親會歌

晉正德大豫舞歌

正德舞歌

大豫舞歌

晉凱歌

命將出征歌

勞還師歌

晉白紵舞歌詩

其二

大其三 平三 凡三日 終園會詩

晉 柸槃舞歌詩 詩

拂舞歌二首 詩 詩

蕭白鳩篇

獨漉篇

濟濟篇

詩

遊獵篇

遊俠篇

引茂外集
目錄
三
博陵王宮俠曲

其二

門有車馬客行

輕薄篇

壯士篇

蕭史曲

祖道征西應詔詩

祖道趙王應詔詩

太康六年三月三日後園會詩

其二

其三

其四

上巳篇

勵志詩

其二

其三

其四

其五

其六

其七

其八

其九

答何劭

其二

其三

情詩

其二

其三

其四

其五

感婚詩

雜詩

其二

其三

擬古

遊仙詩

其二

其三

贈華仲洽詩

招隱

其二

荷詩

橘詩

附錄

本傳

晉張司空集卷全

晉張華茂先著

明張溥西銘閱

賦

鷦鷯

賦有序

鷦鷯小鳥也生於蒿萊之間長於藩籬之下翔集尋常之內而生生之理足矣色淺體陋不爲人用形微處卑物莫之害繁滋族類粲居匹遊翩翩然有以自樂也彼鷲鷂鷓鴣鴻孔雀翡翠或

陵赤霄之際或託絕垠之外翰舉足以冲天觜
距足以自衛然皆負矰嬰繳羽毛入貢何者有
用於人也夫言有淺而可以託深類有微而可
以喻大故賦之云爾
何造化之多端兮播羣形於萬類惟鷦鷯之微
禽兮亦攝生而受氣育翩翾之陋體兮無玄黃
以自貴毛弗施於器用兮肉不登乎俎味鷹鷂
過猶俄翼兮尚何懼於罾罟翳蒼蒙是焉遊
集飛不飄颺翔不翕習其居易容其求易給巢

林不過一枝每食不過數粒栖無所滯遊無所
盤匪陋荆棘匪榮茝蘭動翼而逸投足而安委
命順理與物無患伊茲禽之無知兮何處身之
似智不懷寶以賈害兮不飾表以招累靜守約
而不矜動因循以簡易任自然以爲資無誘慕
於世僞鷓鴣介其背距鵠鷺軼於雲際鷓鴣竄
於幽險孔翠生於遐裔彼晨鳧與歸鴈又矯翼
而增逝咸美羽而豐肌故無臯而皆斃徒銜蘆
以避繳終爲戮於此世蒼鷹鷲而受繼鸚鵡慧

而入籠屈猛志以服養塊幽繫於九重變音聲
以順旨思摧翮而爲庸戀鍾岱之林埜慕壠坻
之高松雖蒙幸於今日未若疇昔之從容海鳥
爰居避風而至條枝巨雀踰嶺自致提挈萬里
飄飄逼畏夫唯體大妨物而形瓌足瑋也陰陽
陶蒸萬品一區巨細舛錯衆繁類殊鷦螟巢於
蚊睫大鵬彌乎天隅將以上方不足下比有餘
普天壤而遐觀吾又安知其大小之所如

隨陰陽之開闔從時宜以卷舒冬與處以城邑
春遊放於田廬歸郊廓之舊里託言靜以閑居
育草木之藹蔚因地勢之邱墟豐荒果之林錯
茂桑麻之紛敷用天道以取資行藥物以爲娛
時逍遙於洛濱聊相伴以縱意目白沙與積礫
玩衆卉之同異揚素波以躍足泝清瀾以蕩思
低徊徃留棲遲晻藹存神忽微遊精域外籍織
草以爲茵援垂陰以爲蓋瞻高鳥之陵風臨儵
魚於清瀨眇萬物而遠觀修自然之通會以退

張茂先集 卷全 三
足於一壑故處否而忘泰

相風賦

有序

大史候部有相風在西城上而作者弗爲豈以其託處幽閑違衆特立無羽毛之飾而丹漆不爲之容乎

蓋在先聖道濟生人擬論天地錯綜明神在璿璣以齊七政象渾儀於陶鈞考古旁於六氣仰貞觀於三辰爰在保章世序其職辯風候方必立唯極循物致用器不假飾眇修幹之迢迢凌

高墉而莖植。玄鳥偏其增。翥晞雲霄而矯翼。嘉
創制之窮理。諒器淺而事深。步元氣於尋木。寄
先識於茲禽。旣在高而思危。又戒險而自箴。雖
迴易之無常。終守正而不淫。永格立以彌世。志
淹滯而愈新。超無返而特存。差偶景而爲鄰。

永懷賦

美淑人之妖豔。因盼睠而傾城。揚綽約之麗姿。
懷婉婉之柔情。超六列於往古。邁來今之清英。
旣惠余以至懽。又結我以同心。交恩好之款固。

接情愛之分深誓中誠於皦日要執契以斷金
嗟夫天道幽昧差錯繆於參差怨祿運之不遭
雖義結而絕離執纏綿之篤趣守惠音以終始
邀幸會於有期冀容華之我俟儻皇靈之垂仁
長收懽於永已

感婚賦

有賦

方今歲在己巳將次四仲婚姻者競赴良時粲
麗之觀相繼於路嫁娶之會不乏乎目乃作感

婚賦曰

彼婚姻之俗忌兮惡當梁之在斯逼來年之將
至今迨星紀之未移窈窕初茂玉質始盛容華
外豐心神內正接軫連騎隱隱習習克街塞里
暉曜城邑相麗姿之綽約兮遙髣髴以感心怨
佳人之幽翳兮恨檢防之高深

一本無彼
婚姻四句

朽杜賦

高栢橋南大道傍有古槐樹蓋數百年木也余
少居近之後去行路遇之則已朽意有緬然輒
爲之賦因以言衰盛之理云爾

伊茲槐之挺植於京路之東隅得託尊於田主
據爽塏以高居垂重陰於衢周臨大路之通衢
饗春秋之所報應豐腴於無射厯漢京之康樂
踰喪亂之橫逆朱夏當陽荔藹蕭森征夫雲會
行旅歸心輜軒停蓋輕輿託陰吉人向風而祛
袂王孫清嘯而啓襟晞甘棠之廣覆徧喬木之
無陰

瓌材枕賦

一作張絃

有卓爾之殊瓌超詭異之邈絕且其材色也如

葵之黃其爲香也如蘭之芳其文彩也如霜地
而金莖紫葉而紅榮有若蒲桃之蔓延或如鬼
絲之煩榮有若嘉禾之垂穎又似靈芝之吐英
其似木者有類桂枝之蘭干或象灌木之叢生
其似鳥者或似驚鶴之徑逝或類鴻鴨之上征
有若孤雌之無味或効鴛鴦之交頸紛雲興而
氣蒸般星羅而流精何衆文之炯朗灼儵爚而
發明曲有所方事有所成每則異姿動各殊名
衆夥不可殫形制爲方枕四角正端會緻密固

絕際無間形妍體法既麗且閑高卑得適辟堅
每安不屑朱碧之飾助不煩錐鋒之鐫鏤無丹
漆之彤朱罔觴象之佐副較程形而靈露衆妙
該而悉備珪璋特達璵璠富也美梓逡巡不敢
與竝相思庶幾晞風於末列神龍之姿衆鱗相
絕昔詩人稱角枕之祭季世加以錦繡之飾皆
比集異物費日勞力傷財害民有損於德豈如
茲瓌旣剖旣斲斯須速成一林而莫與混并繼

微無加而美曄春榮

豆羹賦

一作張翰

乃有孟秋嘉菽垂枝挺英是刈是獲充簞盈篋
香鑠和調周疾赴急時御一極下咽三嘆時在
下邑頗多艱難空匱之厄固不綴懽追念昔日
啜菽永安

以茲不交

有餘... 以茲不交... 既... 亦...

豆羹... 亦...

表

上壽食舉歌詩表

太始五年尚書奏使太僕傅玄中書監
荀勗黃門侍郎張華各造正旦行禮及
王公上壽酒食舉樂歌詩華上表勗以
魏氏歌詩二三四五言與古詩不類以
問司律中郎將陳頎頎曰被之金石未
必皆當故勗造晉歌皆為四言唯王公
上壽酒一篇為三言五言
此則華勗所明異旨也

案魏上壽食舉詩及漢氏所施用其文句長短
不齊未皆合古蓋以依詠弦節本有因循而識
樂知音足以制聲度曲法用率非凡近所能改

二代三京襲而不變雖詩章詞異興廢隨時至
其韻逗曲折皆繫於舊有繇然也是以一皆因
就不敢有所改易

薦成公綏表

竊見處士東郡成公綏年二十五字子安體珪
璋之資秉不器之量知深慮明足以妙見研思
篤好則仲舒之精引之

闕

世貞幹足以敦風篤

俗淵才達學足以弘遵世教固逸倫之殊俊搢
紳之檢式也

議

封禪議

海內歸心符瑞之應備物之盛未有若今之盛者正宜禮中岳封太山禪梁父發德號明至尊厚福慶篤黎民闕肇自生人則有后辟載化之數莫之能紀大德齊代揮揚仁風

晉文王謚議

殊位盛禮實隆明德班爵崇龐亦光茂勲至於表名贈號世考洪烈冠聲無窮者莫尚于號謚

也論功高于禹稷比德邁於伊周

廢黜武悼楊太后議

賈后既誅后父楊駿因宣言太后同逆
諷羣公有司奏太后亦宜廢黜惠帝詔
曰此大事更詳之華為中書監議稱
武帝皇后不從遂廢為庶人弑之

夫婦之道父不能得之於子子不能得之於父
皇太后非得罪於先帝者也今黨其所寵為不
母於聖世宜依漢廢趙太后為孝成后故事貶
太后之號還稱武皇后居異宮以全貴終之恩

黨其所寵后傳作黨
惡所親異宮作離宮

哀策

武帝哀策文

感大饗之無虧哀罇俎之虛設叩龍輶以長叫
痛靈暉之潛逝其辭曰欽惟皇考體道之真德
侔乾坤齊曜三辰應期登禪協於天人上處郊
祀下惠兆民憲章唐虞允得其津搜陽仄陋故
老是賓百揆時序盛業日新恩從雲翔威猶霆
震江海靜波岷岳無塵四夷率服莫不來臣肅
慎奉貢越裳効珍化此弊俗歸之至溘昔在上

聖威高百年、哀哀皇考、用不是、臻遘厲、彌侵景、
命殞顛、舍此昭晰、卽彼幽玄、仰瞻靡怙、廓若無、
天終制尚儉、率由典度、華幕弗陳、器必陶素、不、
封不樹、所在惟固、貽法來世、是則是慕、大隧旣、
啓吉日、將征鐘鼓、雷震白虎、抗旌龍螭、驤首良、
駟悲鳴、倡者振鐸、挽夫齊聲、背此崇殿、將適下、
庭立宮、窈窕修夜、冥冥光燈、永戢幽闔、長扃仰、
訴皇穹、零淚屏營、云誰能忍、寄之我情、結心墳、

隴承憑聖靈

武元楊皇后哀策文

天地配序化成兩儀王假有道冀在伉儷姜嫄
佐譽二妃興媯仰希古昔覲亦同規今胡不然
景命夙虧嗚呼哀哉我應圖籙臨統萬方正位
於內實在嬪嬙天作之合駿發其祥河嶽降靈
啓祚華陽奕世豐衍朱紉斯煌纘女惟行受命
溥將來翼家邦憲度是常緝熙陰教德聲顯揚
昔我先妣暉曜休光后承前訓奉述遺芳宜嗣
徽音繼序無荒如何不弔背世隕喪瑤齊無主

長去蒸嘗追懷永悼率士摧傷嗚呼哀哉陵兆
既窆將遷幽都宵陳夙駕元妃其徂宮闈遏密
階庭空虛設祖布紼告駕啓途服翬禴狄寄象
容車金輅晻藹裳帳不舒千乘動軫六驥踟躕
銘旌樹表翼柳雲敷祁祁同軌岌岌蒸徒孰云
不懷哀感萬夫甯神虞卜安體玄廬土房陶簋
齊制遂初依行紀謚聲被八區雖背明光亦歸
皇姑沒而不朽世德作謨嗚呼哀哉

詠

章懷皇后詠

自天陶靈必有徵祥誕在初載亦曜神光顯應
天祿聿嬪聖皇受氣自然實聽清和內含茂質
外發英華身處宸極敬恭惟夙窈窕淑媚柔順
婉穆宣慈內政流化太微六宮變雅清我壺闈
經綸庶屬積思萬機旣臻緝熙玄澤流衍將翼
我后登封降禪氛禳告妖沉結彌留奄忽升遐
棄世高遊聖上哀懷感切悼心率土高素道密

張茂先集 卷全
八音眇眇遊靈將焉所之容光幽邁豈有反期
杳杳新宮下絕三泉茫茫陵域合體中原委棄
暉章卽安太清

魏劉驃騎誄

昔在殷周惟伊惟呂穆穆公侯紹茲勲緒如何
上天殲我鼎輔金剛玉潤水潔冰清郁郁文彩
煥若朝榮功遂身退致仕懸輿志邈留侯心邁
二踈風凜凜以翼衡雲霏霏以承蓋旒聯翩以
飄颻旌繽紛以奄薄

列文先生鮑玄泰誄

於鑠列文續鞋皇祚夏后基命靈根已固杞鄩
既微枝離葉布爰暨叔牙世贊齊風翼桓濟管
遂登霸功越在漢隆三司竝蹤烈考中丞妙世
顯名峩峩先生誕資英俊淑質清澗蘭芳玉潤
抗行崇邈遊心大順允文允明聰昭秀哲啓冥
演幽守文命世抱道冲虛執義貞厲栖遲無悶
不營不忮擬志雲霄致命窮達行爲範軌言成
隱括宜登遐年弘此徽猷濟濟縉紳永挹清流

箴

女史箴

惠帝時華懼后族之盛作女史箴以諷

茫茫造化兩儀始分散氣流形既陶既甄在帝
庖犧肇經天人爰始夫婦以及君臣家道以正
而王猷有倫婦德尚柔含章貞吉婉婉淑慎正
位居室樊姬感莊不食鮮禽衛女矯桓耳忘和
音志厲義高而二主易心立熊攀檻馮媛趨進
夫豈無畏知死不恡班妾有辭割歡同輦夫豈

不懷防微慮遠道罔隆而不殺物無盛而不衰
日中則昃月滿則微崇猶塵積替若駭機人咸
知飾其容而莫知飾其性性之不飾或愆禮正
斧之濞之克念作聖出其言善千里應之苟違
斯義同衾以疑出言如微而榮辱由茲勿謂幽
昧靈鑒無象勿謂立漠神聽無響無矜爾榮天
道惡盈無恃爾貴隆隆者墜鑒於小星戒彼攸
遂比心螽斯則繁爾類權不可以瀆寵不可以
專專實生慢愛極則遷致盈必損理有固然美

者自美。翮以取尤。治容求好。君子所仇。結恩而絕。職此之由。故曰翼翼矜矜。福所以興。靖恭自思。榮顯所期。女史司箴。敢告庶姬。造化一作元化

大司農箴

家有廬井。王有廩籍。阜茂豐物。和鈞闕石。在周之室。不虔政首。棄稷弗修。不籍千畝。匱神乏祀。敗於戎醜。穡臣司農。敢告左右。一本無家有廬井四句

尚書令箴

一刻摯虞

明明先王。開國承家。作制垂憲。仰觀列曜。俯令

百官政用罔憊昔舜納大麓七政以齊內成外
平而風雨不迷仲山翼周靡剛靡柔補我袞闕
闡我王猷王猷允塞而四海咸休雖曰聖明必
資良材無曰我智官不任能發言如絲其出成
綸千里之應樞機在身世季道缺天綱縱替旣
無老成改舊法制法制不修不長厥裔尚臣司
臺敢告侍衛

環材枕箴

或或其文馥馥其芬出自幽阻升于氈茵允環

允麗惟淑惟珍安安文枕二被弁冠冠御于晝
枕式于昏代作充用榮已甯身興寢有節適性
和神

蘇軾
蘇軾字子瞻，眉州眉山人也。生於宋仁宗嘉祐元年。年十九，舉進士，第一。除秘書省校書郎，知制誥，權知翰林院學士。蘇軾之學，博學宏詞，其文汪洋恣肆，明白暢達。其詩雄視一世。其為人，剛直不阿，不事權貴。其為文，亦如其為人，雄視一世。其為人，剛直不阿，不事權貴。其為文，亦如其為人，雄視一世。

銘

倚几銘

倚几之設。設而不倚。作器於此。成禮於彼。

扶銘

不正。陷墜。不安。傾危。

小五開對不炎耐欲

并論

俗人女婿婚而不婚其器外則以顯其類

節以論

書

與褚陶書

陶字季雅吳郡錢塘人清談閑默以墳
典自娛吳平武帝補臺郎建中校尉華
為司空
與陶書

二陸龍躍於江漢彥先鳳鳴於朝陽自此以來
常恐南金已盡而得復之於吾子故知延州之

德不孤淵岱之寶不匱

世說云張華見褚陶語
陸平原曰君兄弟龍躍

雲津顧彥先鳳鳴朝陽謂東南之寶已盡不意
復見褚生陸曰公未覩不鳴不躍者耳華曰故
知延州之德不孤川嶽
之寶不匱矣不云是書

長安七集

卷八

書

六

報雷煥書

所致詳觀劔文真干將也莫邪何復不至雖然

天生神物終當合耳

真晉書作何復不至尺牘作可復至否

暫西帖

得書為慰僕諸愒疾已甚暫西卧歸還乃悉比

將念反不具張華呈

問

甲乙問

安豐太守程諒先已有妻後又娶遂立
二嫡前妻亡後妻子勲疑所服中書令

張華造甲
乙之問

甲娶乙為妻後又娶景匿不說有乙居家如二
嫡無有貴賤之差乙亡景之子當何服本實竝
列嫡庶不殊雖二嫡非正此失在先人人子何
得專制折其親也若為庶母服又不成為庶進
退不知所從

及不味視

器專歸神其膝出許

既敵氣不惹散二敵我

敵無會竟敵之蓋了才

甲心問

序

博物志序

余視山海經及禹貢爾雅說文地志雖曰悉備
各有所不載者作略說出所不見麤言遠方陳
山川位象吉凶有徵諸國境界犬牙相入春秋
之後竝相侵伐其土地不可具詳其山川地澤
略而言之正國十二博物之士覽而鑒焉



平流有文五十四其物之十...

之對並酥對外其土世亦可...

谷...

念所山...

對...

氣

贊

博物志地理略贊

地理廣大四海八方遐遠別域略以難詳侯王
設險守國保疆遠遮川塞近備城隍司察姦非
禁禦不良勿恃危阨恣其淫荒無德則敗有德
則昌安居猶懼乃可不亡進用忠良社稷永康
教民以孝舜化以彰

野火自燒華山以焚

眼昌定法前難衣匪不才難供忠實無野不氣

道劍中獨采石... 凡... 且... 且... 且...

此野與大四樽入... 且... 且... 且... 且...

制... 且... 且... 且...

贊

樂歌

晉四廂樂歌

王公上壽詩

稱元慶奉聖觴后皇延遐祚安樂撫萬方

食舉東西廂樂詩

明明在上丕顯厥繇翼翼三壽蕃后惟休羣生
漸德六合承流三正元辰朝慶鱗萃華夏奉職
貢八荒覲殊類黻冕充廣庭鳴玉盈朝位

其二

濟濟朝位言觀其光儀序旣以時禮文煥以彰
思皇享多祐嘉樂永無央

其三

九賓在庭臚讚旣通升瑞奠贄乃侯乃公穆穆
天尊隆禮動容履端承元吉介福御萬邦

其四

朝享上下咸雍崇多儀繁禮容舞盛德歌九功
揚芳烈播休蹤

其五

皇化洽洞幽明懷柔百神輯祥禎潛龍躍彫虎
仁儀鳳鳥屆游麟枯蠹榮竭泉流菌芝茂枳棘
柔和氣應休徵弦協靈符彰帝期綏宇宙萬國
和昊天成命賚皇家賚皇家

其六

世資聖哲三后在天啓鴻烈啓鴻烈隆王基率
土謳吟欣戴於時恒文象代氣著期

其七

泰始開元龍升在位四隩同風燮甯殊類五躋

來備嘉生以遂疑庶績臻大康申繁祉肩無疆
本枝百世繼緒不忘繼緒不忘休有烈光永言
配命惟晉之祥

其八

聖明統世篤皇仁廣大配天地順動若陶鈞立
化參自然至德通神明清風暢八極流澤被無
垠

其九

於皇時晉奕世齊聖惟天降嘏神祇保定弘濟

區夏允集大命有命既集光帝猷大明重曜鑒
六幽聲教洋溢惠滂流惠滂流移風俗多士盈
朝賢俊比屋敦世心斲彫反素樸反素樸懷庶
方干戚舞階庭疏狄悅遐荒扶南假重譯肅慎
龔衣裳雲覆雨施德洽無疆旁作穆穆仁化祥
朝元日賓王庭承宸極當盛明衍和樂竭祗誠
仰加惠懷德馨遊瀄風泳淑清協億兆同歡榮
建皇極統天位運陰陽御六氣殷羣生成性類

其十

王道浹治功成人倫序俗化清虔明祀祇三靈
崇禮樂式儀刑

其十一

慶元吉宴三朝播金石詠泠簫奏九夏舞雲韶
邁德音流英聲八紘一六合甯六合甯承聖明
王澤洽道登隆綏函夏總華戎齊德教混殊風
混殊風康萬國崇夷簡尚敦德弘王度遠遐則

正旦大會行禮詩

於赫皇祖廸哲齊聖經緯大業基天之命克開

洪緒誕篤天慶旁濟彝倫仰齊七政

其二

烈烈景皇克明克聰靜封略定勳功成名立政
儀刑萬邦式固崇軌光紹前蹤

其三

允文烈考濬哲應期參德天地比功四時大亨
以正庶績咸熙肇啓晉宇遂登皇基

其四

明明我后玄德通神受終正位協應天人容民

厚下育物流仁躋我王道輝光日新

晉冬至初歲小會歌

日月不留四氣迴周節慶代序萬國同

一作休

庶尹羣后奉壽

一作爵

升朝我有嘉禮式宴百僚

繁肴綺錯旨酒泉淳笙鏞和奏磬管流聲上隆

其愛下盡其心宣其壅滯訓

一作詠

之德音乃宜

乃訓配享交泰永戴仁風長撫無外

晉宴會歌

蠶蠶我皇配天垂光留精曰昃經覽無方聽朝

有暇延命衆臣冠蓋雲集罇俎星陳肴蒸多品
八珍代變羽爵無筭究樂極宴歌者流聲武者
投袂動容有節絲竹竝設宣暢四體繁手趨摯
懽足發和酣不忘禮好樂無荒翼翼濟濟

晉中宮所歌

先王統大業玄化漸八維儀刑乎萬邦內訓隆
壺闈皇英垂帝典大雅詠三妃執德宣隆教正
位理厥機一作司含章體柔順率禮蹈謙祗螽斯
弘慈惠樛木逮幽微微音穆清風高義邈不追

遺榮參日月百世仰餘暉

晉宗親會歌

族燕明禮順餽食序親親骨肉散不殊昆弟豈
他人本枝篤同慶棠棣著先民於皇聖明后天
覆弘且仁降禮崇親戚旁施協族姻式宴盡醕
娛飲御備羞珍和樂旣宜洽上下同歡欣德教
加四海敦睦被無垠

晉正德大豫舞歌

正德舞歌

曰皇上天立鑒惟光神器周回五德代章祚命
于晉世有哲王弘濟區夏陶甄萬方大明垂耀
旁燭無疆蚩蚩庶類風德永康皇道惟清禮樂
斯經金石在縣萬舞在廷象容表慶協律被聲
軼武超護取節六英同進退讓化漸無形大和
宣洽通于幽冥

大豫舞歌

惟命之命符運有歸赫赫大晉三后重暉繼明
紹世光撫九圍我皇朝期遂在璇璣羣生屬命

奄有庶邦慎徽五典玄教遐通萬方同軌率土
咸雍爰制大豫宣德舞功醕化既穆王道協隆
仁及草木惠加昆蟲億兆夷人悅仰皇風不顯
大業永世彌崇

晉凱歌

命將出征歌

重華隆帝道戎蠻或不賓徐夷興有周鬼方亦
違殷今在聖明世寇虐動四垠豹狼染牙爪羣
生號穹旻元帥統方夏出車撫涼秦衆貞必以

律藏否實在人威信加殊類疎迹思白親單醪

豈有

一作無

味挾續感至仁武功尚止戈七德美

安民遠跡由斯舉永世無風塵

勞還師歌

獬豸背天德搆亂擾邦畿戎車震朔野羣帥贊

皇威將士齊心旅感義忘其私勢積如鞞弩赴

節如發機踳聲動山谷金光曜素暉揮戟

晉書作戈

陵勁敵武步蹈橫屍鯨鯢皆授首北土永清夷

昔往冒隆暑今來白雪霏征夫信勤瘁自古詠

張氏文集 卷全
采薇收榮於舍爵燕喜在凱歸

晉白紵舞歌詩

輕。軀。徐。起。何。洋。洋。高。舉。兩。手。白。鵠。翔。宛。若。龍。轉。
乍。低。昂。凝。停。善。睐。容。儀。光。如。推。若。引。留。且。行。隨。
世。而。變。誠。無。方。舞。以。盡。神。安。可。忘。晉。世。方。昌。樂。
未。央。質。如。輕。雲。色。如。銀。愛。之。遺。誰。贈。佳。人。制。已。
爲。袍。餘。作。巾。袍。以。光。軀。巾。拂。塵。麗。服。在。御。會。佳。
賓。醪。醴。盈。樽。美。且。淳。清。歌。徐。舞。降。祇。神。四。座。歡。

樂胡可陳

其二

雙袂齊舉鸞鳳翔，羅裙飄颻昭儀光。
趨步生姿進流芳，鳴弦清歌及三陽。
人生世間如電過，樂時每少苦日多。
幸及良辰耀春華，齊倡獻舞趙女歌。
羲和馳景逝不停，春露未晞嚴霜零。
百草凋索花英萎，蟋蟀吟牖寒蟬鳴。
百年之命忽若傾，早知迅速兼燭行。
東造扶桑遊紫庭，西至崑崙戲會城。

其三

陽春白日風花香趨步明玉舞瑤璫聲發金石
媚笙簧羅袿徐轉紅袖揚清歌流響繞鳳梁如
矜若思凝且翔轉眄遺精豔輝光將流將引雙
鴈行歡來何晚意何長明君御世永歌昌

晉杯槃舞歌詩

晉世甯四海平普天安樂永大甯四海安天下
歡樂治興隆舞杯槃舞杯槃何翩翩舉坐翻覆
壽萬年天與日終與一左回右轉不相失箏笛
悲酒舞疲心中慷慨可健兒樽酒甘絲竹清願

壽
令諸君醉復醒醉復醒時合同四座歡樂言
工絲竹音可不聽亦舞此槃左右輕自相當合
坐歡樂人命長人命長當結友千秋萬歲皆老

拂舞歌三首

白鳩篇

翩翩白鳩載飛載鳴懷我君德來集君庭白雀
呈瑞素羽明鮮翔庭舞翼以應仁乾交交晉書
作皎
皎鳴鳩或丹或黃樂我君惠振羽來翔東壁餘

光魚在江湖惠而不費敬我微軀策我良駟習

我驅馳與君周旋樂道亡餘晉書作忘饑我心虛靜

我志霑霑彈琴鼓瑟聊以自娛凌雲登臺浮放

太清板龍耐鳳目晉書作自宋書作目望身輕

獨漉篇

獨漉獨漉晉書作獨獨漉水深泥濁泥濁尚可水深

殺我雍雍雙鴈遊戲田畔我欲射鴈念子孤散

翩翩浮萍得風搖宋書作遙輕我心何合與之同并

空牀仰帷誰知無人夜衣錦繡誰別偽真刀鳴

箭中倚牀無施。父冤不報。欲活何為。猛虎斑斑。遊戲山間。虎欲齧人。不避豪賢。

濟濟篇

暢飛暢舞。晉書作暢氣流芳。追念三五大綺黃。

去失有時可行。去來同時。晉作去此未央時。冉

冉近桑榆。但當有酒為歡娛。衰老逝有何期。晉作

何有多憂耿耿。內懷思淵池廣。晉作魚獨希願

得黃浦眾所依。恩感人世無比。悲歌且舞無極

已

日

... 人出... 且... 無...

... 知... 想... 魚... 命...

... 宿... 宿... 宿... 宿... 宿...

... 來... 同... 報... 報... 報...

... 報... 報... 報... 報... 報...

齊齋詩

... 山... 間... 氣... 卷... 留... 人... 不... 謝... 棄... 獲...

... 中... 命... 和... 琳... 欽... 文... 敬... 不... 拜... 於... 辭... 何... 氣... 蘇... 張... 興...

詩

遊獵篇

歲暮凝霜結堅冰
泓幽泉厲風蕩原隰
浮雲蔽昊天
玄雲晻靄合素雪
紛連翩鷹隼始擊
鷲虞人獻時鮮
嚴駕鳴儔侶攬轡
過中田戎車方四
牡文軒馭紫燕
輿徒旣整飭容服
麗且妍武騎列重圍
前驅抗修旃倏忽似
回飈絡繹若浮烟
鼓噪山淵動衝塵
雲霧連輕繪拂素電
織網蔭長川游魚未
暇竄歸鴈不得還

一作旋

由基控繁

弱公差操黃間機發應弦倒一倒連雙肩僵禽
正狼藉落羽何翻翻積獲被山阜流血丹中原
馳騁未及勅曜靈俄移晷結罝彌藪澤囂聲振
四鄙鳥驚觸白刃獸駭掛流矢仰手接遊鴻舉
足就犀兕如黃批狡兔青骹撮飛雉鵠鷺不盡
收鳧鷖安足視日冥徒御勞賞勤課能否野饗
會衆賓立酒甘且旨燔炙播遺芳金觴浮素蟻
珍羞墜歸雲織肴出淶水四氣運不停年時何
亶亶人生忽如寄居世遽能幾至人同禍福達

士等生死榮辱渾一門安知惡與美遊放使心
狂覆車難再履伯陽爲我誠檢跡投清軌

遊俠篇

翩翩四公子濁世稱賢名龍虎相交爭七國竝
抗衡食客三千餘門下多豪英遊說朝夕至辨
士自縱橫孟嘗東出關濟身由鷄鳴信陵西反
魏秦人不窺兵藝文類聚作開濟疆趙勝南詛楚乃與毛
遂行黃歇北適秦太子還入荆美哉遊俠士何
以尚四卿我則異於是好古師老彭

博陵王宮俠曲

俠客樂幽險築室窮山陰
燎獵野獸稀施網川
無禽歲暮饑寒至慷慨頓足吟
窮令壯士激安能懷苦心
干將坐自繁弱控餘音
耕佃窮淵陂種粟著劍鐔
收秋狹路間一擊重千金
棲遲熊羆穴容與虎豹林
身在法令外縱逸常不禁

其二

雄兒任氣俠聲蓋少年場
借友行報怨殺人租市旁
吳刀鳴手中利劍嚴秋霜
腰間義素戟手

持白頭鑲騰超如激電迴旋如流光奮擊當手
決交屍自縱橫寧爲殤鬼雄義不入園墻生從
命子遊死聞仗骨香身沒心不懲勇氣加四方
門有車馬客行

門有車馬客問君何鄉士捷步往相訊果是舊
鄰里語昔有故悲論今無新喜清晨相訪慰日
暮不能已詞端競末究忽唱分途始前悲尚未
弭後憂方復起

輕薄篇

末世多輕薄驕代

一作或

好浮華志意既

一作能

放

逸貲財亦豐奢被服極纖麗肴膳盡柔嘉童僕

餘梁肉婢妾蹈綾羅文軒樹羽蓋乘馬鳴玉珂

橫簪刻玳瑁長鞭錯象牙足下金鑄履手中雙

莫耶賓從煥絡繹侍御何芬葩朝與金張期暮

宿許史家甲第面長街朱門赫差峩蒼梧竹葉

清宣城九醞醑浮醪隨觴轉素蟻自跳波美女

興齊趙妍唱出西巴一顧城國傾千金甯

樂府作不

足多非里獻奇舞大陵奏名歌新聲踰激楚妙

妓絕陽阿玄鶴降浮雲鱣魚躍中河墨翟且停
車展季猶咨嗟滄于前行酒雍門坐相和孟公
結重闕賓客不得蹉三雅來何遲耳熱眼中花
盤案互交錯坐席咸誼譁簪珥咸墮落冠冕皆
傾邪酣飲終日夜明燈繼朝霞絕纓尚不言安
能復顧他留連彌信宿此歡難可過人生若浮
寄年時忽蹉跎促促朝露期榮樂遽幾何念此
腸中悲涕下自滂沱但畏執法吏禮防且切磋

壯士篇

天地相震蕩回薄不知

一作可

窮人物稟常格有

始必有終年時俛仰過功名宜速崇壯士懷憤
激安能守虛冲乘我大宛馬撫我繁弱弓長劍
橫九野高冠拂玄穹慷慨成素霓嘯吒起清風
震響駭八荒奮威躍四戎濯鱗滄海畔馳騁大
漠中獨步聖明世四海稱英雄

蕭史曲

蕭史愛長

一作少

年羸女
去童顏
火粒願排
素霞

霧好登攀龍飛逸

一作竟

天路鳳起出秦關身去

長不返蕭聲時往還

祖道征西應詔詩

赫赫大晉奄有萬方陶以仁化耀以天光貳跡
陝西實在我王內飪玉鉉外惟鷹揚四牡揚鑣
玄輅振綬庶寮羣后饒飲洛湄感離歎悽慕德
遲遲

祖道趙王應詔詩

崇選穆穆利建明德

一作明

於顯穆親時惟我王

稟姿自然金質玉相光宅舊趙作鎮冀方休寵

曲錫備物煥彰癸朝上京出自天邑百寮餞行
縉紳具集軒冕峩峩冠蓋習習戀德惟懷永歎
弗及

太康六年三月三日後園會詩

暮春元日陽氣清明祁祁甘雨惠澤流盈習習

祥風啓滯導生禽鳥翔逸一作豫卉木一作麻滋榮

織條被綠翠華含英

其二

於皇我后欽若昊乾順時省物言觀中園讌及

羣辟乃命乃延

一作初筵

合樂華池被濯清川汎彼

一作汎汎

龍舟泝游洪源

藝文作泝渚游源

其三

朱幕云覆列坐文茵羽觴波騰品物備珍管絃

繁會變用奏新穆穆我皇臨下渥仁訓以慈惠

詢納廣神好樂無荒化達無垠

其四

咨予微臣荷寵明時忝恩於外攸攸三期犬馬

惟慕天寶為之靈啓其願邀願在茲於以表情

張氏外集
卷之三
三
爰著斯詩

上巳篇

仁風導和氣，句芒御昊春。始洗應時月，元巳啓
良辰。密雲蔭朝日，零雨灑微塵。飛軒遊九野，置
酒會衆賓。臨川懸廣幕，夾水布長茵。徘徊存往
古，慷慨慕先真。朋從自遠至，童冠八九人。追好
舞雩庭，擬跡洙泗濱。伶人理新樂，膳夫然時珍。
八音礪磻，奏肴俎從橫。陳妙舞，起齊趙悲歌。出
三秦春醴，踰九醞。冬清過十旬，盛時不努力。歲

暮將何因勉哉衆君子茂德景日新高飛舞鳳
翼輕舉攀龍鱗

泰山勵志詩

大儀幹

烏括反

運天廻地游四氣鱗次寒暑環周

星火既夕忽焉素秋涼風振落熠燿宵流

其二

吉士思秋實感物化日與月與

平聲

荏苒代謝逝

者如斯曾無日夜嗟爾庶士胡甯自舍

其三

仁道不遐德輜如羽求焉斯至衆鮮克舉大猷
玄漠將抽厥緒先民有作貽我高矩矱

吉士其四

雖有淑姿放心縱逸出般於游居多暇日如彼
梓材弗勤丹漆雖勞樸斲終負素質

大猷其五

養由矯矢獸號於林蒲蘆縈繳神感飛禽未伎
之妙動物應心研精耽道安有幽深

其六

安心恬蕩棲志浮雲體之以質彪之以文如彼
南畝力耒旣勤蔗蓰致功必有豐殷

其七

水積成川載瀾載清土積成山歊蒸鬱冥山不
讓塵川不辭盈勉爾一作志含弘以隆德聲

其八

高以下基洪由纖起川廣自源成人在始累微
以著乃物之理纏牽之長實累千里

其九

復禮終朝天下歸仁若金受礪若泥在鈞進德
修業輝光日新隰朋仰慕予亦何人

答何劭

吏道何其迫窘然坐自拘纓綬爲徽纒文憲焉
可踰恬曠苦不足煩促每有餘良朋貽新詩示
我以游娛穆如灑清風煥若春華敷自昔同寮
案於今比園廬衰疾近辱殆庶幾竝懸輿散髮
重陰下抱杖臨清渠屬耳聽鸞鳴流目翫儵魚

從容養餘日取樂於桑榆

其二

洪鈞陶萬類大塊稟羣生明闇信異姿靜躁亦
殊形自予及有識志不在功名虛恬竊所好文
學少所經忝荷旣過任白日已西傾道長苦智
短責重困才輕周任有遺規其言明且清負乘
爲我戒夕惕坐自驚是用感嘉貺寫心出中誠
發篇雖溫麗無乃違其情

其三

駕言歸外庭放志永棲遲相伴步園疇春草鬱

引茂文集 卷 四
鬱滋榮觀，雖盈目親友，莫與偕悟物，增隆思結。
戀慕同儕，援翰屬新詩云。

情詩

清風動簾帷，晨月照

五臣作燭

幽房佳人處，遐遠蘭

室無容光，襟懷擁虛景，輕衾覆空牀，居歡惜夜
促，在戚怨宵長，拊五臣作撫枕獨嘯歎，感慨心內傷。

其二

游目四野外，逍遙獨延伫，蘭蕙緣清渠，繁華陰

綠渚，佳人不在茲，取此欲誰與，巢居知風寒，穴

處識陰雨不曾遠別離安知慕儔侶

其三

北方有佳人端坐鼓鳴琴終晨撫管絃日夕不成音
憂來結不解我思存所欽君子尋時役幽妾懷苦心
初爲三載別於今久滯淫昔耶生戶牖庭內自成陰
翔鳥鳴翠偶草蟲相和吟心悲易感激俛仰淚流衿
願託晨風翼束帶侍衣衾

其四

明月曜清景矚光照玄墀幽人守靜夜迴身入

空帷束帶俟將朝，廓落晨星稀。寐假交情爽，覲
我佳人姿。巧笑媚權一作謹，靨聯娟眸與眉。寤言
增長歎，悽然心獨悲。

其五

君居北海陽，妾在江南陰。懸邈極修途一作途遠，修途一作修
山川阻且深。承權注隆愛，結分投所欽。銜恩一作
思篤守義萬里，託微心一作

感婚詩

駕言遊東邑，東邑紛攘攘。婚姻及良時，嫁娶避

當梁窈窕出閨女
嫵婉姬與姜
素顏發紅華
美目流清揚
鞞煒衆親盛於我
猶若常
譬彼暮春
草榮華不再陽

雜詩

晷度隨天運
四時互相承
東壁正昏中
涸陰寒節升
繁霜降當夕
悲風中夜興
朱火青無光
蘭膏坐自凝
重衾無暖氣
挾纒如懷泳
伏枕終遙夕
寤言莫予應
永思慮崇昔
慨然獨拊膺

其二

張氏文集 卷八

逍遙游春空

宮一作

容與淶池阿白蘋開素葉朱

草茂丹華微風搖蒨若曾波動菱荷榮彩曜中

林流馨入綺羅王孫遊不歸修路邈以遐誰與

翫遺芳伫立獨咨嗟風中交與未久音無水

其三 其三 其三 其三 其三 其三 其三 其三 其三 其三

荏苒日月運寒暑忽流易同好逝不存迢迢遠

離析房櫳自來風戶庭無行迹蒹葭生牀下蛛

蝥網四壁懷思豈不隆感物重鬱積遊鴈比翼

翔歸鴻知接翮來哉彼君子無愁徒自隔

擬古

松生壠坂上百尺下無枝東南望河尾西北隱
崑崖剛風振山籟朋鳥夜驚離悲涼貫年節葱
翠恒若斯安得草木心不怨寒暑移

遊仙詩

雲霓垂藻旒羽袿揚輕裾飄登清雲間論道神
皇盧蕭史登鳳音王后吹鳴竽守精味玄妙道
遙無爲墟

其二

玉佩連浮星，輕冠結朝霞。
列坐王母堂，艷體飡瑤華。
湘妃詠涉江，漢女奏陽阿。

其三

乘雲去中夏，隨風濟江湘。
臺臺陟高陵，遂升玉巒陽。
雲娥薦瓊石，神妃侍衣裳。

贈摯仲洽詩

君子有逸志，棲遲於一邱。
仰蔭高林茂，俯臨淥水流。
恬淡養玄虛，沈精研聖猷。

招隱

隱十詎山林遁世以保真連惠亮未遇雄才屈
不伸

其二

棲遲四野外陸沈背當時循名掩不著藏器待
無期羲和策六龍弭節越崦嵫盛年俛仰過忽
若振輕絲

荷詩

荷生綠泉中碧葉齊如規迴蕩流霧珠映水逐
條垂照灼此金塘藻曜君王池不愁世嘗絕但

畏盛明移 北金 謝靈運 玉 謝靈運 謝靈運

橘詩 中 謝靈運 謝靈運 謝靈運 謝靈運

橘生湘水側 非陋人莫傳 逢君金華宴 得在玉

几前 謝靈運 謝靈運 謝靈運 謝靈運

謝靈運 謝靈運 謝靈運 謝靈運 謝靈運

謝靈運 謝靈運 謝靈運 謝靈運 謝靈運

謝靈運 謝靈運 謝靈運 謝靈運 謝靈運

謝靈運 謝靈運 謝靈運 謝靈運 謝靈運

謝靈運 謝靈運 謝靈運 謝靈運 謝靈運

本傳

張華字茂先，范陽方城人也。父平，魏漁陽郡守。華少孤，貧，自牧羊。同郡盧欽見而器之，鄉人劉放亦奇其才，以女妻焉。華學業優博，辭藻溫麗，朗瞻多通，圖緯方伎之書莫不詳覽。少自修謹，造次必以禮度，勇於赴義。篤于周急，器識弘曠。時人罕能測之。初未知名，著鷦鷯賦以自寄。賦見

木集

陳留阮籍見之，嘆曰：「王佐之才也。」由是聲名

始著。郡守鮮于嗣薦華爲太常博士。盧欽言之。

於文帝轉河南尹丞未拜除佐著作郎頃之遷
長史兼中書郎朝議表奏多見施用遂卽真晉
受禪拜黃門侍郎封關內侯華強記默識四海
之內若指諸掌武帝嘗問漢宮室制度及建章
千門萬戶華應對如流聽者忘倦畫地成圖左
右屬目帝甚異之時人比之子產數歲拜中書
令後加散騎常侍遭母憂哀毀過禮中詔勉厲
逼令攝事初帝潛與羊祜謀伐吳而羣臣多以
爲不可唯華贊成其計其後祜疾篤帝遣華詣

祐問以伐吳之計語在祐傳及將大舉以華爲
度支尚書及量計運漕決定廟筭衆軍旣進而
未有尅獲賈克等奏誅華以謝天下帝曰此是
吾意華但與吾同耳時大臣皆以爲未可輕進
華獨堅執以爲必尅及吳滅詔曰尚書闕內侯
張華前與故太傅羊祐共創大計遂典掌軍事
部分諸方筭定權略運籌決勝有謀謨之勲其
進封爲廣武縣侯增邑萬戶封子一人爲亭侯
千五百戶賜絹萬匹華名重一世衆所推服晉

引方外集 卷八
吏及儀禮憲章竝屬於華多所損益當時詔誥
皆所草定聲譽益盛有台輔之望焉而荀勗自
以大族恃帝恩深憎疾之每伺間隙欲出華外
鎮會帝問華誰可託寄後事者對曰明德至親
莫如齊王攸旣非上意所在微爲忤旨間言遂
行乃出華爲持節都督幽州諸軍事領護烏桓
校尉安北將軍撫納新舊戎夏懷之東夷馬韓
新彌諸國依山帶海去州四千餘里歷世未附
者二十餘國竝遣使朝獻于是遠夷賓服四境

無虞頃歲豐稔士馬彊盛朝議欲徵華入相又
欲進號儀同初華毀徵士馮恢於帝統卽仄之
弟也深有寵於帝統嘗侍帝從容論魏晉事因
曰臣切謂鍾會之釁頗由太祖帝變色曰卿何
言邪統免冠謝曰臣愚冗瞽言罪應萬死然臣
微意猶有可申帝曰何以言之統曰臣以爲善
御者必識六轡盈縮之勢善政者必審官方控
帶之宜故仲由以兼人被抑冉求以退弱被進
漢高八王以寵過夷滅光武諸將由抑損克終

非上有仁暴之殊下有愚智之異蓋抑揚予奪使之然耳鍾會才有限而太祖誇獎太過加其謀猷盛其名器居以重勢委以大兵故使會自謂筭無遺策功在不賞轉張跋扈遂構凶逆耳向令太祖錄其小能節以大禮抑之以權勢納之以軌則則亂心無由而生亂事無由而成

然則言謂文帝降下既已然微臣之言宜

今豈有如會者乎統曰東方朔有言談何容易

易曰臣不密則失身帝乃屏左右曰卿極言之
統曰陛下謀謨之臣著大功於天下海內莫不
聞知據方鎮總戎馬之任者皆在陛下聖慮矣
帝默然頃之徵華爲太常以太廟屋棟折免官
遂終帝之世以列侯朝見惠帝卽位以華爲太
子少傅與王戎裴楷和嶠供以德望爲楊駿所
忌皆不與朝政及駿誅後將廢皇太后會羣臣
於朝堂議者皆承風望旨以爲春秋絕文姜今
太后自絕於宗廟亦宜廢黜惟華議以爲宜依

漢廢趙太后爲孝成后故事貶太后之號還稱
武皇后居異宮以全貴終之恩不從遂廢太后
爲庶人楚王瑋受密詔殺太宰汝南王亮太保
衛瓘等內外兵擾朝廷大恐計無所出華白帝
以瑋矯詔擅害二公將士倉卒謂是國家意故
從之耳今可遣騶虞幡使外軍解嚴理必風靡
上從之瑋兵果敗及瑋誅華以首謀有功拜右
光祿大夫開府儀同三司侍中中書監金章紫
綬固辭開府賈謐與后共謀以華庶族儒雅有

籌略進無逼上之嫌退爲衆聖所依欲倚以朝
綱訪以政事疑而未決以問裴頴頴素重華深
贊其事華遂盡忠匡輔彌縫補闕雖當闇主虐
后之朝而海內晏然華之功也華懼后族之盛
作女史箴以爲諷賈后雖凶妬而知敬重華久
之論前後忠勲進封壯武郡公華十餘讓中詔
敦譬乃受數年代下邳王晃爲司空領著作及
賈后謀廢太子左衛率劉卞甚爲太子所信遇
每會宴卞必預焉屢見賈謚驕傲太子恨之形

於言色謚亦不能平卞以賈后謀問華華曰不
聞卞曰卞以寒悴自須昌小吏受公成拔以至
今日士感知已是以盡言而公更有疑於卞邪
華曰假令有此君欲如何卞曰東宮俊又如林
四率精兵萬人公居阿衡之任若得公命皇太
子因朝入錄尚書事廢賈后於金墉城兩黃門
力耳華曰今天子當陽太子人子也吾又不受
阿衡之命忽相與行此是無其君父而以不孝
示天下也雖能有成猶不免罪况權戚滿朝威

柄不一而可以安乎及帝會羣臣于式乾殿出
太子手書徧示羣臣莫敢有言者惟華諫曰此
國之大禍自漢武以來每廢黜正嫡恒至喪亂
且國家有天下日淺願陛下詳之尚書左僕射
裴頤以爲宜先檢校傳書者又請比较太子手
書不然恐有詐妄賈后乃內出太子素啓事十
餘紙衆人比覩亦無敢言非者議至日西不決
后知華等意堅因表乞免爲庶人帝乃可其奏
初趙王倫爲鎮西將軍撓亂關中氐羗反叛乃

以梁王彤代之。或說華曰：趙王貪昧，信用孫秀，所在爲亂，而秀變詐，奸人之雄。今可遣梁王，斬秀，刈趙之半，以謝關右，不亦可乎？華從之。彤許諾秀，友人辛冉從西來，言於彤曰：氏羗自反，非秀之爲，故得免死。倫旣還，諂事賈后，因求錄尚書事。後又求尚書，令華與裴頴皆固執，不可由。是致怨倫。秀疾華如讐，武庫火，華懼，因此變作列兵固守，然後救之。故累代之寶及漢高斬蛇、劔王莽頭、孔子履等盡焚焉。時華見劔穿屋而

飛莫知所向。初華所封壯武郡有桑化爲栢。識者以爲不祥。又華舍及監省數有妖怪。少子躡以中台星圻勸華遜位。華不從。曰：天道玄遠，惟修德以應之耳。不如靜以待之，以俟天命。及倫秀將廢賈后，秀使司馬雅夜告華曰：今社稷將危，趙王欲以公共匡朝廷，爲霸者之事。華知秀等必成篡奪，乃距之。雅怒曰：刃將加頸，而吐言如此，不顧而出。華方晝卧，忽夢見屋壞，覺而惡之。是夜難作詐稱詔，召華遂與裴頴俱被收。華

將死謂張林曰卿欲害忠臣耶林稱詔詰之曰
卿爲宰相任天下事太子之廢不能死節何也
華曰式乾之議臣諫事具存非不諫也林曰諫
若不從何不去位華不能答須臾使者至曰詔
斬公華曰臣先帝老臣中心如丹臣不愛死懼
王室之難禍不可測也遂害之於前殿馬道南
夷三族朝野莫不悲痛之時年六十九華性好
人物誘進不倦至於窮賤候門之士有一介之
善者便咨嗟稱詠爲之延譽雅愛書籍身死之

日家無餘財惟有文史溢于机篋嘗徙居載書三十乘秘書監摯虞撰定官書皆資華之本以取正焉天下奇秘世所希有者悉在華所繇是博物洽聞世無與比惠帝中人有得烏毛三丈以示華華見慘然曰此謂海鳧毛也出則天下亂矣陸機嘗餉華鮓于時賓客滿座華發器便曰此龍肉也衆未之信華曰試以苦酒濯之必有異旣而五色光起機還問鮓主果云園中茅積下得一白魚質狀殊常以作鮓過美故以相

獻武庫封閉甚密其中忽有雉雒華曰此必蛇
化爲雉也開視雉側果有蛇蛻焉吳郡臨平岸
崩出一石鼓槌之無聲帝以問華華曰可取蜀
中桐材刻爲魚形扣之則鳴矣于是如其言果
聲聞數里初吳之未滅也斗牛之間常有紫氣
道術者皆以吳方強盛未可圖也惟華以爲不
然及吳平之後紫氣愈明華聞豫章人雷煥妙
達緯象乃要煥宿屏人曰可共尋天文知將來
吉凶因登樓仰觀煥曰僕察之久矣惟斗牛之

間頗有異氣華曰是何祥也煥曰寶劍之精上
徹於天耳華曰君言得之吾少時有相者言吾
出六十位登三事當得寶劍佩之斯言豈效與
因問曰在何郡煥曰在豫章豐城華曰欲屈君
爲宰密共尋之可也煥許之華大喜卽補煥爲
豐城令煥到縣掘獄屋基入地四丈餘得一石
函光氣非常中有雙劍竝刻題一曰龍泉一曰
太阿其夕斗牛間氣不復見焉煥以南昌西山
北巖下土以拭劍光芒豔發大盆盛水置劍其

上視之者精芒炫目遣使送一劍并土與華留
一自佩或謂煥曰得兩送一張公豈可欺乎煥
曰本朝將亂張公當受其禍此劍當繫徐君墓
樹耳靈異之物終當化去不永爲人服也華得
劍寶愛之常置坐側華以南昌士不如華陰赤
士報煥書因以華陰士一斤致煥煥更以拭劍
倍益精明華誅失劍所在煥卒子爽爲州從事
持劍行經延平津劍忽于腰間躍出墮水使人
沒水取之不見劍但見兩龍各長數丈蟠縈有

文章沒者懼而反須臾光彩照水波浪驚沸於是失劍爽嘆曰先君化去之言張公終合之論此其驗乎華之博物多此類不可詳載焉後倫秀伏誅齊王罔輔政摯虞致箋於罔罔於是奏曰臣聞興微繼絕聖王之高政貶惡嘉善春秋之美義是以武王封比干之墓表商容之間誠幽明之故有以相通也孫秀逆亂滅佐命之國誅骨鯁之臣以斷喪王室肆其虐矣功臣之後多見泯滅張華裴頠各以見憚取誅於是解系

解結同以羔羊竝被其害歐陽建等無罪而死
百姓憐之今陛下更日月之光布維新之命然
此等諸族未蒙恩理昔欒郤降在阜隸而春秋
傳其違幽王絕功臣之後棄賢者子孫而詩人
以爲刺臣備忝在職思納愚誠若合聖意可令
羣官通議議者各有所執而多稱其寃壯武國
臣竺道又詣長沙王求復華爵位依違者久之
太安二年詔曰夫愛惡相攻佞邪醜正自古而
有故司空壯武公華竭其忠貞思翼朝政謀謨

之勲每事頽之前以華弼濟之功宜同封建而
華固讓至于八九深陳大制不可得爾終有顛
敗危辱之慮辭義懇誠足勸遠近華之至心誓
於神明華以伐吳之勲受爵于先帝後封旣非
國體又不宜以小功踰前大賞華之見害俱以
奸逆圖亂濫被枉賊其復華侍中中書監司空
公廣武侯及所沒財物與印綬符策遣使弔祭
之初陸機兄弟志氣高爽自以吳之名家初入
洛不推中國人士見華一面如舊欽華德範如

師資之禮焉華誅後作誄又爲詠德賦以悼之
華著博物志十篇及文章竝行於世

張茂先集